

四庫全書

集部

欽定四庫全書

樂府詩集卷三十四

宋 郭茂倩 輯

相和歌辭

清調曲

豫章行

古 辭

古今樂錄曰豫章行王僧虔云荀錄所載
古白楊一篇今不傳樂府解題曰陸機汎

舟清川渚謝靈運出宿告密親皆傷離別
言壽短景馳容華不久傅玄苦相篇云苦
相身爲女言盡力於人終以華落見棄亦
題曰豫章行也豫章漢郡邑地名

白楊初生時乃在豫章山上葉摩青雲下根通黃泉涼
秋八九月山客持斧斤我闕何皎皎皎梯落闕根

株已斷絕顛倒巖石間大匠持斧繩鋸墨齊兩端一驅

四五里枝葉自捐闕

會爲舟船燔身在洛陽

宮根在豫章山多謝枝與葉何時復相連吾生百年

闕

自闕

俱何意萬人巧使我離根株

右一曲晉樂所奏

豫章行二首

曹植

樂府解題曰曹植擬豫章爲窮達

窮達難豫圖禍福信亦然虞舜不逢堯耕耘處中田太
公未遭文漁釣涇渭川不見魯孔丘窮困陳蔡間周公
下白屋天下稱其賢

欽定四庫全書

樂府詩集
卷三十四

二

鴛鴦自用親不苦比翼連他人雖同盟骨肉天性然周
公穆康叔管蔡則流言子臧讓千乘季札慕其賢

豫章行苦相篇

傅玄

苦相身爲女卑陋難再陳兒男

一作男兒

當門戶墮地自生

神雄心志四海萬里望風塵女育無欣愛不爲家所珍
長大逃深室藏頭羞見人無淚適他鄉忽如雨絕雲低
頭和顏色素齒結朱脣跪拜無復數婢妾如嚴賓情合
同雲漢葵藿仰陽春心乖甚水火百惡集其身玉顏隨

年變丈夫多好新昔爲形與影今爲胡與秦胡秦時相
見一絕踰參辰

豫章行

陸機

汎舟清川渚遙望高

一作南

山陰川陸殊途

一作塗

軌懿親

將遠尋三荆歡同株四鳥悲異林樂會良自古悼別豈
獨今寄世將幾何日昃無停陰前路旣已多後途隨年
侵促促薄暮景疊疊鮮克禁曷爲復以茲曾是懷苦心
遠節嬰物淺近情能不深行矣保嘉福景絕繼以音

同前

謝靈運

短生旅長世恒覺白日歆覽鏡晚顏容華顏豈久期苟
無迴戈術坐觀落崦嵫

同前

謝惠連

軒帆邈遙路薄送瞰遐江舟車理殊緬密友將遠從九
里樂同潤二華念分峰集歡豈今發離歎自古鍾促生
靡緩期迅景無遲蹤緇髮迫多素憔悴謝華芊婉婉寡
留晷窈窕閉淹龍如何阻行止憤慍結心胸旣微達者

度歡戚誰能封願子保淑慎良訊代徽容

同前

沈約

燕陵平而遠易河清且駛一見塵波阻臨途引征思雙
劍愛匣同孤鸞悲影異宴言誠易纂清謠信難嗣臥聞
夕鐘急坐閱朝光亟往歡墜壯心來戚滿衰志殂芳無
再馥淪灰定還熾夏臺尚可忘榮辱亦奚事愧微曠士
節徒感鄙生餌勞哉納辰和地遠託聲寄

同前

薛道衡

江南地遠接閩甌東山英妙屢經遊
前瞻疊障千重阻却帶驚湍萬里流
楓葉朝飛向京洛文魚夜過歷吳洲
君行遠度茱萸嶺妾住長依明月樓
樓中愁思不開頻始復臨牕望早春
鴛鴦水上萍初合鳴鶴園中花併新
空憶常時角枕處無復前日畫眉人
照骨金環誰用許見膽明鏡自生塵
蕩子從來好留滯况復關山遠迢遞
當學織女嫁牽牛莫學姮娥叛夫壻
偏訝思君無限極欲罷欲忘還復憶
願作王母三青鳥飛來飛去傳消息

豐城雙劍昔曾離
經年累月復相隨
不畏將軍成久別
只恐封侯心更移

同前

李白

胡風吹代馬

一作燕人攢赤月

北擁魯陽關
吳兵照海雪
西討

何時還半渡
上遼津黃雲慘
無顏老母與子別
呼天野

草間白馬

一作百鳥

繞旌旗悲鳴相追攀
白楊秋月苦早落

豫章山本爲休明人
斬虜素不閑
豈惜戰鬪死爲君掃
兇頑精感石没羽
豈亡憚險艱
樓船若鯨飛波蕩落星

灣此曲不可奏三軍鬢成斑

董逃行五解

古辭

崔豹古今注曰董逃歌後漢游童所作也
終有董卓作亂卒以逃亡後人習之爲歌
章樂府奏之以爲儆誡焉後漢書五行志
曰靈帝中平中京都歌曰承樂世董逃遊
四郭董逃蒙天恩董逃帶金紫董逃行謝
恩董逃整車騎董逃垂欲發董逃與中辭

董逃出西門董逃瞻宮殿董逃望京城董
逃日夜絕董逃心摧傷董逃案董謂董卓
也言欲一作雖跋扈縱有殘暴終歸逃竄至

於滅族也風俗通曰卓以董逃之歌主爲
已發太禁絕之楊孚董卓傳曰卓改董逃
爲董安樂府解題曰古詞云吾欲上謁從
高山山頭危險大難言言五岳之上皆以
黃金爲宮闕而多靈獸仙草可以求長生

不死之術令天神擁護君上以壽考也若
陸機和風習習薄林謝靈運春虹散彩銀
河但言節物芳華可及時行樂無使徂齡
坐徙而已晉傳玄有歷九秋篇十二章具
叙夫婦別離之思亦題云董逃行未詳

吾欲上謁從高山山頭危險大難言遙望五嶽端黃金
爲闕班璘但見芝草葉落紛紛解一百鳥集來如烟山獸
紛綸麟辟邪其端鳴雞聲鳴但見山獸援戲相拘攀二解

小復前行玉堂未心懷流還傳教出門來門外人何求

所言欲從聖道求一得命延

三解

教敕凡吏受言採取神

藥若木端白兔長跪擣藥蝦蟇丸奉上陛下一玉拌服

此藥可得神仙

四解

服爾神藥莫不歡喜陛下長生老壽

四面肅肅稽首天神擁護左右陛下長與天相保守

五解

董逃行歷九秋篇

傅玄

歷九秋兮三春遺貴客兮遠賓顧多君心所親乃命妙
妓才人炳若日月星辰一其序金壘兮玉觴賓主遞起寫

行杯若飛電絕光交觴接卮結裳慊慨歡笑萬方

其二奏

新詩兮夫君爛然虎變龍文渾如天地未分齊謳楚舞

紛紛歌聲上激青雲

其三

窮八音兮異倫奇聲靡靡每新

微披素齒丹脣逸響飛薄梁塵精爽眇眇入神

其四

坐咸

醉兮沾歡引樽促席臨軒進爵獻壽翻翻千秋要君一

言願愛不移若山

其五

君恩愛兮不竭譬若朝日夕月此

景萬里不絕長保初醮結髮何憂坐胡越

其六

攜弱手兮

金環上遊飛閣雲間穆若鴛鳳雙燕

一作鴛

作

還幸蘭房自

安娛心樂意難原

其七

樂既極兮多懷盛時忽逝若顏寒

暑革御景迴春榮隨風飄摧感物動心增哀

其八

妾受命

兮孤虛男兒隨

一作墮

地稱姝女弱難存若無骨肉至親

更疏奉事他人託軀

其九

君如影兮隨形賤妾如水浮萍

明月不能常盈誰能無根保榮良時冉冉代征

其十

顧繡

領兮含暉皎日迴光則微朱華忽示漸衰影欲捨形高

飛誰言往思可追

其十一

薺與麥兮夏零蘭桂踐履

一作霜

逾馨祿命懸天難明妾心結意丹青何憂君心中傾

其十

二

董逃行

和風習習薄林柔條布葉垂陰鳴鳩拂羽相尋倉鷗喈
喈弄音感時悼逝傷心日月相追周旋萬里儵忽幾年
人皆冉冉西遷盛時一往不還慷慨乖念悽然昔為少
年無憂常怪秉燭夜遊翩翩宵征何求於今知此有由
但為老去年道盛固有衰不疑長夜冥冥無期何不驅
馳及時聊樂永日自怡齋此遺情何之人生居世為安

豈若及時為驩世道多故萬端憂慮紛錯交顏老行及
之長歎

同前

元稹

董逃董逃董卓逃指鏗戈甲聲勞嘈剗剗深臍脂焰焰
人皆數歎曰爾獨不念年年取我身上膏膏銷骨盡烟
火死長安城中賊毛起城門四走公卿士走勸劉虞作
天子劉虞不敢作天子曹瞞篡亂從此始董逃董逃人
莫喜勝負翻一作相環相枕倚縫綴難成裁破易何況曲

針不能伸巧指欲學裁縫須准擬

同前

張籍

洛陽城頭火曈曈亂兵燒我天子宮宮城南面有深山
盡將老幼藏其間重巖為屋椽為食丁男夜行候消息
聞道官軍猶掠人舊里如今歸未得董逃行漢家幾時
重太平

相逢行

古詞

一曰相逢狹路間行亦曰長安有狹斜行

樂府解題曰古詞文意與雞鳴曲同晉陸
機長安狹斜行云伊洛有歧路歧路交朱
輪則言世路險狹邪僻正直之士無所措
手足矣唐李賀有難忘曲亦出於此

相逢狹路間道隘不容車不知何年少夾轂問君家君
家誠易知易知復難忘黃金為君門白玉為君堂堂上
置樽酒作使邯鄲倡中庭生桂樹華燈何煌煌兄弟兩
三人中子為侍郎五日一來歸道上自生光黃金絡馬

頭觀者盈道傍入門時左顧但見雙鴛鴦鴛鴦七十二
羅列自成行音聲何囀囀鶴鳴東西廂大婦織綺羅中
婦織流黃小婦無所為挾瑟上高堂丈人且安坐調絲

方未央

一作調絲
未遽央

右一曲晉樂所奏

同前

謝惠連

行行即長道道長息班草邂逅賞心人與我傾懷抱夷
世信難值憂來傷人平生不可保陽華與春渥陰柯長

秋槁心慨榮去速情苦憂來早日華難久居憂來傷人
諄諄亦至老親黨近卹庇昵君不常好九族悲素霰三
良怨黃鳥邇來白即頽憂來傷人近繡潔必造水流理
就濕火炎同歸燥賞契少能諧斷金斷可寶千計莫造
從萬端信紛繞巢林宜擇木結友使心曉心曉形迹畧
畧邇誰能了相逢既若舊憂來傷人片言代紆綯

同前

張率

相逢夕陰街獨趨尚冠里高門既如一甲第復相似憑

軾日欲昏何處訪公子公子之所在所在良易知青樓
出上路漸臺臨曲池堂上撫流徽雷鐸朝夕施橘柚分
華實朱火燎金枝兄弟兩三人冠珮一作紛陸離朝從
禁中出車騎並驅馳金鞍馬腦勒聚觀路傍兒入門一
顧望鳬鵠有雄雌雄雌各數千相鳴戲羽儀並在東西
立羣次何離離大婦刺方領中婦抱嬰兒小婦尚嬌稚
端坐吹參差丈人無遽起神鳳且來儀

同前

崔顥

妾年初二八家住洛橋頭
玉戶臨馳道朱門近御溝
使君何假問夫壻大長秋
女弟新承寵諸兄近拜侯
春生百子殿花發

一作開

五城樓出入千門裏
年年樂未休

同前二首

李白

朝騎五花馬謁帝出銀臺
秀色誰家子雲車

一作中珠箔

開金鞭遙指點玉勒近遲回
夾轂相借問疑

一作知從天

上來憐腸愁欲斷斜日復相催
下車何輕盈飄然似落

梅邀入青綺門當歌共銜杯

一作嬌羞初解
珮語笑共銜杯

銜杯映歌

扇似月雲中見相見不相親不如不相見相見情已深
未語可知心胡為守空閨眠愁錦衾錦衾與羅幃纏
綿會有時春風正澹蕩暮雨來何遲

一作春風正斜
結青鳥來何遲願

因三青鳥更報長相思光景不待人須臾髮成絲當年
失行樂老去徒傷悲持此道密意無令曠佳期

相逢紅塵內高揖黃金鞭萬戶垂楊裏君家阿那邊

同前

韋應物

二十登漢朝英聲邁今古適從東方來又欲謁明主猶

酣新豐酒尚帶灞陵雨邂逅兩相逢別來間寒暑寧知
白日晚暫向花間語忽聞長樂鐘走馬東西去

相逢狹路間

孔欣

相逢狹路間道狹正踟躕如何不羣士行吟戲路衢輟
步相與言君行欲馬如淳朴久已凋榮利迭相驅流落
尚風波人情多遷渝勢集堂必滿運去庭亦虛競趨嘗
不暇誰肯眷桑樞無為肆獨往只將困淪胥未若及初
九攜手歸田廬躬耕東山畔樂道詠玄書狹路安足遊

方外可寄娛

同前

梁昭明太子

京華有曲巷曲曲不通輿道逢一俠客緣路問君居君
居在城北可尋復易知朱門間皓壁刻桷映晨離階植
若華草光影逐颺移輕幃委四屋蘭膏然百枝長子飾
青紫中子任以貲小子始總角方作啼美兒三子俱入
門赫奕盛羽儀華駟服衡轡白玉鏤鞵羈容止同規矩
賓從盡恭卑雅鄭時問作孤竹乍參差雲飛離水宿美

吭滿青池懽樂無終極流目豈知疲門下非毛遂坐上
盡英竒大婦成貝錦中婦飾粉絕小婦獨無事理曲步
簷垂丈人暫徙倚行使流風吹

同前

沈約

相逢洛陽道繫聲流水車路逢輕薄子竚立問君家君
家誠易知易知復易憶龍馬滿街衢飛蓋交門側大子
萬戶侯中子飛而食小子始從官朝夕溫省直三子俱
入門赫奕多羽翼若若青組紆烟烟金璫色大婦繞梁

歌中婦迴文織小婦獨無事閉戶聊且即綠綺試一彈
玄鶴方鼓翼

同前

劉孺

送君追遐路路狹暖朝露三危上蔽日九折杳連雲枝
交憶不見聽靜吹纔聞豈伊歎道遠亦迺泣塗分沉茲
別親愛情念切離羣

同前

劉遵

春晚駕香車交輪礙狹斜所恐惟風入疑傷步搖花含

羞隱年少何因問妾家青樓臨上路相期覺路賒

同前

隋李德林

天衢號九經冠蓋恒縱橫忽逢懷刺客相尋欲逐名我
任河陽浦開門望帝城金臺遠猶出玉觀夜恒明筵羞
太官膳酒釀步兵營懸牀接高士隔帳授諸生流水琴
前韻飛塵歌後輕大子難為弟中子難為兄小子輕財
利實見陶朱情龍軒照人轉驥馬噓天明入門俱有說
至道勝金羸出門會親友天官奏德星大婦訓端木中

婦誨劉靈小婦南山下擊缶和秦箏羣賓莫有戲燈來
告絕纓

樂府詩集卷三十四

欽定四庫全書

樂府詩集卷三十五

宋 郭茂倩 輯

相和歌辭

清調曲

長安有狹斜行

古 辭

長安有狹斜斜斜不容車適逢兩少年挾轂問君家君
家新市傍易知復難忘大子二千石中子孝廉郎小子

無官職衣冠仕洛陽三子俱入室室中自生光大婦織

綺紵

一作羅

中婦織流黃小婦無所為挾琴上高堂丈夫

且徐徐調絃詎未央

同前

陸機

伊洛有歧路歧路交朱輪輕蓋承華景騰步躡飛塵鳴

玉豈樸儒馮軾皆俊民烈心厲勁秋麗服鮮芳春余本

倦游客豪彥多舊親傾蓋承芳訊欲鳴當及晨守一不

足矜歧路良可遵規行無曠迹矩

一作矩

步豈逮人投

一作

涉足緒已爾四時不必循將遂殊塗軌要子同歸津

同前

謝惠連

紀郢有通達通達竝軒車奕奕雕輪馳軒軒翠蓋舒
策之五尹振轡從三閭推劔馮前軾鳴佩專後輿

同前

荀昶

朝發邯鄲邑暮宿井陘間井陘一何狹車馬不得旋
迴迨相逢值崎嶇交一言一言不容多伏軾問君家
君家誠易知易知復易博南面平原居北趣相如閣
飛樓臨

名都通門枕華郭入門無所見但見雙棲鶴棲鶴數十

雙鴛鴦羣相追大兄珥金璫中兄振纓綏

一作中兄
纓玉韞

伏

臘一來歸隣里生光輝小弟無所為鬪鷄東陌達大婦
織紵綺中婦縫羅衣小婦無所作挾瑟弄音徽丈人且
却坐梁塵將欲飛

同前

梁武帝

洛陽有曲陌曲曲不通驛忽遇二少童扶轡問君宅我
宅邯鄲右易憶復可知大息組紕中息佩陸離小息

尚青綺總角遊南皮三息俱入門家臣拜門垂三息俱
升堂旨酒盈千卮三息俱入戶戶內有光儀大婦理金
翠中婦事玉觴小婦獨閒暇調笙遊曲池丈人少裴徊
鳳吹方參差

同前

梁簡文帝

長安有徑塗徑徑不通輿道逢雙總丱扶輪問我車我
居青門北可憶復易津大息騫金勒中息割黃銀小息
始得意黃頭作弄臣三息俱入門雅意揚清塵三息俱

上堂觴肴滿四陳三息俱入戶照耀光容新大婦舒綺
綰中婦拂羅巾小婦最容冶映鏡學嬌嚙丈人且安坐
清謳出絳脣

同前

沈約

青槐金陵栢丹轂貴遊士方驂萬乘臣炫服千金子咸
陽不足稱臨淄孰能擬

同前

庾肩吾

長安曲陌坂曲曲不容憶路逢雙綺襦問君居近遠我

居臨御溝可識不可求長子登麟閣次子侍龍樓少子
無高位聊從金馬遊三子俱來下左右若州流三子俱
來入高軒映彩旒三子俱來宴玉柱擊清甌大婦褰雲
裘中婦卷羅幃少婦多妖艷花鈿繫石榴夫君且安坐
歡娛方未周

同前

王回

名都馳道傍華轂亂鏘鏘道逢佳麗子問我居何鄉我
家洛川上甲第遙相望珠扉玳瑁牀綺席流蘓帳大子

執金吾次子中郎將小子陪金馬遨遊茂卿相三子俱
休沐風流鬱何壯三子俱會同肅雍多禮讓三子俱還
室絲管紛寥亮大婦裁舞衣中婦學清唱小婦窺鏡影
弄此朝霞狀佳人且少留為君繞梁唱

同前

徐防

長安有勾曲勾勾不通驛塗逢二綺衣夾路訪君室君
室近霸城易識復知名大息登金馬中息謁承明小息
偏愛幸走馬曳長纓三息俱入門車服盡雕輕三息俱

上堂嘉賓四座盈三息俱入戶室內有光榮大婦嫌始
呈中婦繡初營小婦多姿媚紅紗映削成上客且安坐
胡牀妾自擎

同前

張正見

少年重遊俠長安有狹斜路窄時容馬枝高易度車簷
高同落照巷小共飛花相逢夾繡轂借問是誰家

同前

王 襄

威紆狹邪道車騎動相喧博徒稱劇孟遊俠號王孫勢



傾魏侯府交盡翟公門路邪勞夾穀塗艱倦折轅日斜
宣曲觀春還御宿園塗歌楊柳曲巷飲榴花樽獨有遊
梁倦還守孝文園

三婦豔詩

劉鑠

大婦裁霧縠中婦牒冰練小婦端清景含歌登玉殿丈
人且裴徊臨風傷流霰

同前

王融

大婦織綺羅

一作
織綺

中婦織流黃小婦獨無事挾瑟

一作
琴

上高堂丈夫

一作人

且安坐調弦詎未央

一作未渠央

同前

昭明太子

大婦舞輕巾中婦拂華茵
小婦獨無事紅黛潤芳津
良人且高卧方欲薦梁塵

同前

沈約

大婦拂玉匣中婦結珠帷
小婦獨無事對鏡理蛾眉
良人且安卧夜長方自私

同前

王筠

大婦留芳褥中婦對華燭小婦獨無事當軒理清曲丈
人且安卧豔歌方斷續

同前

吳均

大婦弦初切中婦管方吹小婦多姿態含笑逼清庖佳
人勿餘及慙慙妾自知

同前

劉孝綽

大婦縫羅裙中婦料繡文惟餘最小婦窈窕舞昭君文
人慎勿去聽我駐浮雲

同前十一首

陳後主

大婦避秋風中婦夜牀空小婦初兩髻含嬌新臉紅得意非霰日可憐那可同

大婦西北樓中婦南陌頭小婦初妝點回眉對月鉤可憐還自覺人看反更羞

大婦主

一作弄

縑機中春裁春衣小婦新妝冶拂匣動琴

徽長夜理清曲餘嬌且未歸

大婦妬娥眉中婦逐春時小婦最季少相望卷羅帷羅

帷夜寒卷相望人來遲

大婦上高樓中婦蕩蓮舟小婦獨無事撥帳掩嬌羞
夫應自解更深難道留

大婦初調箏中婦飲歌聲小婦春妝罷弄月當宵楹
子時將意相看不用爭

大婦愛怕偏中婦意長堅小婦獨嬌笑新來華燭前
來誠可惑為許得新憐

大婦酌金杯中婦照妝臺小婦偏妖冶下砌折新梅
衆

中何假問人今最後來

大婦怨空閨中婦夜偷啼小婦獨含笑正柱作烏棲河
低帳未掩夜夜畫眉齊

大婦正當壚中婦裁羅襦小婦獨無事淇上待吳姝鳥
歸花復落欲去却踟躕

大婦年十五中婦當春戶小婦正橫陳含嬌情未吐所
愁曉漏促不恨燈銷炷

同前

張正見

大婦織殘絲中婦妬蛾眉小婦獨無事歌罷詠新詩上
客何須起為待絕纓時

同前

董思恭

大婦裁紈素中婦弄明璫小婦多姿態登樓紅粉粧
人且安坐初日漸流光

同前

王紹宗

大婦能調瑟中婦詠新詩小婦獨無事花庭曳履綦上
客且安坐春日正遲遲

中婦織流黃

梁簡文帝

翻花滿階砌愁人獨上機浮雲西北起孔雀東南飛調
絲時繞腕易鑷乍牽衣鳴梭逐動釧紅妝映落暉

同前

徐陵

落花還井上春機當戶前帶衫行障口覓釧枕檀邊數
鑷經無亂新漿緯易牽蜘蛛夜伴一作織百舌鳥驚眠
封用黎陽土書因計吏船欲知夫婿處今督水衡錢

同前

盧詢

別人心已怨愁空日復斜
然香望韓壽磨鏡待秦嘉
殘絲愁漬爛餘織恐嫌賒
支機一片石緩轉獨輪車
下簾還憶月挑燈更惜花
似天河上錦春時織女家

同前

虞世南

寒閨織素錦含怨歛雙蛾
綜新交縷澀經脆斷絲多
衣香逐舉袖釧動應鳴梭
還恐裁縫罷無信達交河

難忘曲

李賀

夾道開洞門弱楊低畫戟
簾影竹葉起簫聲吹日色
蜂

語繞妝鏡拂蛾學春碧亂繫丁香梢滿欄花向夕

塘上行五解

魏武帝

鄴都故事曰魏文帝甄皇后中山無極人
袁紹據鄴與中子熙娶后為妻後太祖破
紹文帝時為太子遂以后為夫人后為郭
皇后所譖文帝賜死後宮臨終為詩曰蒲
生我池中綠葉何離離豈無蒹葭艾與君
生別離莫以賢豪故棄捐素所愛莫以麻

臬賤棄捐管與蒯莫以魚肉賤棄捐蔥與
薤歌錄曰塘上行古辭或云甄皇后造樂
府解題曰前志云晉樂奏魏武帝蒲生篇
而諸集錄皆言其詞文帝甄后所作歎以
終訴見棄猶幸得新好不遺故惡焉若晉
陸機江離生幽渚言婦人衰老失寵行於
塘上而為此歌與古詞同意

蒲生我池中蒲生我池中其葉何離離傍能行人儀莫

能縷自知衆口鑠黃金使君生離別解念君去我時念

君去我時獨愁常苦悲想見君顏色感結傷心脾今悉

夜夜愁不寐解莫用豪賢故莫用豪賢故棄捐素所愛

莫用魚肉貴棄捐蔥與薤莫用麻杲賤棄捐菅與蒯解

倍恩者苦枯倍恩者苦枯蹶船常苦沒教君安息定慎

莫致倉卒念與君一共離別亦當何時共坐復相對解

出亦復苦愁出亦復苦愁入亦復苦愁邊地多悲風樹

木何蕭蕭今日樂相樂延年壽千秋解

右一曲晉樂所奏

蒲生我池中其葉何離離傍能行仁義莫若妾自知衆
口鑠黃金使君生別離念君去我時獨愁常苦悲想見
君顏色感結傷心脾念君常苦悲夜夜不能寐莫以豪
賢故棄捐素所愛莫以魚肉賤棄捐蔥與薑莫以麻枲
賤棄捐菅與蒯出亦復苦愁入亦復苦愁邊地多悲風
樹木何脩脩從君致獨樂延年壽千秋

右一曲奉辭

同前

陸機

江離生幽渚微芳不足宜被蒙風雨會移居華池邊發
藻玉臺下垂影滄浪泉

一作淵

霑潤既已渥結根與且堅

四節逝不處繁華難久鮮淑氣與時殞餘芳隨風捐天
道有遷易人理無常全男懽智傾愚女愛衰避妍不惜
微軀退恒懼蒼蠅前願君廣末光照妾薄算年

同前

謝惠連

芳萱秀林阿非質不足營幸有忘憂用移根託君庭垂

穎臨清池擢彩仰華薨霑渥雲雨潤葳蕤吐芳馨願君
春傾葉留景惠餘明

塘上行苦辛篇

劉孝威

蒲生伊何陳曲中多苦辛黃金坐銷鑠白玉遂淄磷裂
衣工毀嫡掩袖切讒新嫌成跡易已愛去理難申秦雲
猶變色魯日尚迴輪妾歌已唱斷君心終未親

塘上行

李賀

藕花涼露濕花缺藕根涇飛下雌鴛鴦塘水聲溢溢

蒲生行浮萍篇

曹植

浮萍寄清水隨風東西流結髮辭嚴親來為君子仇恪
勤在朝夕無端獲罪尤在昔蒙恩惠和樂如瑟琴何意
今摧頽曠若商與參茱萸自有芳不若桂與蘭新人雖
可愛無若故所歡行雲有返期君恩儻中還慊慊仰天
歎愁心將何愬日月不恒處人生忽若寓悲風來入懷
淚下如垂露發篋造裳衣裁縫紈與素

蒲生行

謝朓

蒲生廣湖邊託身洪波側春露惠我澤秋霜緝我色根
葉從風浪常恐不永植攝生各有命豈云智與力安得
遊雲上與爾同羽翼

江蘿生幽渚

沈約

澤蘭被荒徑孤芳豈自通幸逢瑤池曠得與金芝叢朝
承紫臺露夕潤淥池風既美脩嫫女復悅繁華童夙昔
玉霜滿旦暮翠條空葉飄儲胥右芳歇露華東紀化尚
盈尺倘志尚積隆財殫交易絕華落愛難終所惜改懽

晒豈恨逐征蓬願回昭陽景時照長門宮

苦辛行

戎昱


日暮奏短歌聽余苦辛

苦辛一作苦辛

詞如今刀筆士不及屠沽

兒少年無事學詩賦豈意文章復相悞東西南北少知音終年竟歲悲行路仰面訴天天不聞低頭告地地不言天地生我尚如此陌上他人何足論誰謂西江深涉之固無憂誰謂南山高可以登之遊險巇惟有世間路一嚮令人堪白頭貴人立意不可測等閒桃李成荊棘

風塵之士深可親心如雞犬能依人悲來却憶漢天子
不棄相如家舊貧飲酒酒能散羈愁誰家有酒判一醉
萬事從他江水流



樂府詩集卷三十五

欽定四庫全書

集部

樂府詩集卷三十六至

詳校官庶吉士臣柳邁祖

助教臣常循覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

樂府詩集卷三十六

宋 郭茂倩 輯

相和歌辭

清調曲

秋胡行四解

魏武帝

西京雜記曰魯人秋胡娶妻三月而遊宦
三年休還家其婦採桑於郊胡至郊而不

識其妻也見而悅之乃遺白金一鎰妻曰
妾有夫遊宦不返閨幽獨處三年于茲未
有被辱於今日也採桑不顧胡慙而退至
家問妻何在曰行採桑於郊未還既歸還
乃向所挑之婦也夫妻並慙妻赴沂水而
死列女傳曰魯秋潔婦者魯秋胡之妻也
既納之五日去而宦於陳五年乃歸未至
其家見路傍有美婦人方採桑而悅之下

車謂曰力田不如逢豐年力桑不如見國
鄉今吾有金願以與夫人婦曰採桑力作
紡織織紉以供衣食奉二親養夫子已矣
不願人之金秋胡遂一作逐去歸至家奉金
遺母使人呼其婦婦至乃嚮採桑者也婦
汙其行去而東走自投於河而死樂府解
題曰後人哀而賦之為秋胡行若魏文帝
辭云堯任舜禹當復何為亦題曰秋胡行

廣題云曹植秋胡行但歌魏德而不取秋
胡事與文帝之辭同也

晨上散關山此道當何難晨上散關山此道當何難牛

頓不起車墮谷間坐盤石之上彈五弦之琴作為清角

韻意中迷煩歌以言志晨上散關山

解一

有何三老公卒

來在我傍有何三老公卒來在我傍負揜被裘似非恒

人謂卿云何困苦以自怨徨徨所欲來到此間歌以言

志有何三老公

解二

我居崑崙山所謂者真人我居崑崙

山所謂者真人道深有可得名山歷觀遨遊八極枕石
漱流飲泉沈吟不決遂上升天歌以言志我居崑崙山
三解去去不可追長恨相牽攀去去不可追長恨相牽攀
夜夜安得寐惆悵以自憐正而不譎辭賦依因經傳所
過西來所傳歌以言志去去不可追四解

同前五解

武帝

願登泰華山神人共遠遊願登泰華山神人共遠遊經
歷崑崙山到蓬萊飄飄八極與神人俱思得神藥萬歲

為期歌以言志願登泰華山

一解

天地何長久人道居之

短天地何長久人道居之短世言伯陽殊不知老赤松

王喬亦云得道得之未聞庶以壽考歌以言志天地何

長久

二解

明明日月光何所不光昭明明日月光何所不

光昭二儀合聖化貴者獨人不萬國率土莫非王臣仁

義為名禮樂為榮歌以言志明明日月光

三解

四時更逝

去晝夜以成歲四時更逝去晝夜以成歲大人先天而

天弗違不戚年往憂世不治存亡有命慮為之蚩歌以

言志四時更逝去

四解

戚戚欲何念歡笑意所之戚戚欲

何念歡笑意所之壯盛智惠殊不再來愛時進趣將以

惠誰汎汎放逸亦同何為歌以言志戚戚欲何念

五解

右二曲晉魏樂所奏

同前三首

魏文帝

堯任舜禹當復何為百獸率舞鳳凰來儀得人則安失
人則危唯賢知賢人不易知歌以詠言誠不易移鳴條
之役萬舉必全明德通靈降福自天

朝與佳人期日夕殊不來嘉肴不當旨酒停杯寄言飛
鳥告余不能俯折蘭黃仰結桂枝佳人不在結之何為
從爾何所之乃在大海隅靈若道言貽爾明珠企予望
之步立躊躇佳人不來何得何須

汎汎淥波中有浮萍寄身流波隨風靡傾芙蓉含芳蕊
菖蒲榮朝采其實夕佩其英采之遺誰所思在庭雙魚
比目鴛鴦交頸有美一人婉如青揚知音識曲善為樂
方

同前二首

傅玄

秋胡子娶婦三日會行仕宦既享顯爵保茲德音以祿
頤親韞比黃金覩一好婦採桑路傷遂下黃金誘以逢
卿玉磨逾絜蘭動彌馨源流絜清水無濁波奈何秋胡
中道懷邪美此節婦高行巍我哀哉可愍自投長河

秋胡納令室三日官他鄉皎皎絜婦姿冷冷守空房燕
婉不終夕別如參與商憂來猶四海易感難可防人言
生日短愁者苦夜長百草揚春華攘腕採柔桑素手尋

繁枝落葉不盈筐羅衣翳玉體回目流來車君子倦仕
歸車馬如龍驤精誠馳萬里既至兩相忘行人悅令顏
情一作借息此樹傍誘以逢鄉喻遂下黃金裝烈烈貞女

忽言辭厲秋霜長驅及居室奉金升北堂母立呼婦來
歡情樂未央秋胡見此婦惕然懷探湯負心豈不慙永
誓非所望清濁必異源鳧鳳不並翔引身赴長流果哉
絜婦腸彼夫既不淑此婦亦太剛

同前

陸機

道雖一致塗有萬端吉凶紛謁休咎之源人鮮知命
未易觀生亦何惜功名所勤

同前七首

嵇康

富貴尊榮憂患諒獨多富貴尊榮憂患諒獨多古人所
懼豐屋蔀家人害其上獸惡網羅惟有貧賤可以無它
歌以言之富貴憂患多

貧賤易居貴盛難為工貧賤易居貴盛難為工恥佞直
言與禍相逢變故萬端俾吉作凶思牽黃犬其莫之從

歌以言之貴盛難為工

勞謙有悔忠信可久安勞謙有悔忠信可久安天道害
盈好勝者殘彊梁致災多招禍患欲得安樂獨有無愆
歌以言之忠信可久安

役神者弊極欲疾枯役神者弊極欲疾枯顏回短折不
及童烏縱體淫恣莫不早徂酒色何物今自不辜歌以
言之酒色令人枯

絕智棄學遊心於玄默絕智棄學遊心於玄默過而悔

當不自得垂釣一壑樂一國被髮行歌和者四塞歌以
言之遊心於玄默

思與王喬乘雲遊八極思與王喬乘雲遊八極凌厲五
岳忽行萬億授我神藥自生羽翼呼吸太和練形易色
歌以言之行遊八極

徘徊鍾山息駕於層城徘徊鍾山息駕於層城上蔭華
蓋下來若英受道王母遂升紫庭逍遙天衢千載長生
歌以言之徘徊於層城

同前二首

謝惠連

春色遲遲桑何萋萋紅桃含妖綠柳舒黃
遊近繁者游渚戲蹊華顏易改良願難諧

係風捕影誠知不得念彼奔波意慮迴惑漢女
條忽洛神飄揚空勤交甫徒勞陳王

同前九首

顏延之

椅梧傾高鳳寒谷待鳴律影響豈不懷自遠每
相匹婉彼幽間女作嬪君子室峻節貫秋霜明
艷侔朝日嘉運

既我從欣願自此畢

燕居未及歡良人顧有違脫巾千里外結綬登王畿戒
徒在昧旦左右來相依驅車出郊郭行路正威遲存為
久別離沒為長不歸

嗟余怨行役三陟窮晨暮嚴駕越風寒解鞍犯霜露原
隰多悲涼迴飈卷高樹離獸起荒蹊驚鳥縱橫去悲哉
游宦子勞此山川路

迢遙行人遠宛轉年運徂良人

一作時

為此別日月方向

除孰知寒暑積僂俛見榮枯歲暮臨空房涼風起坐隅
寢興日已寒白露生庭蕪

勤役從歸願反路遵山河昔辭秋未素今也歲載華蠶
月觀時暇桑野多經過佳人從所務窈窕援高柯傾城
誰不顧弭節停中阿

年往誠思勞路遠濶音形雖為五載別相與昧平生捨
車遵往路鳬藻馳目成南金豈不重聊自意所輕義心
多苦調密此金玉聲

高節難久淹竭來空復辭遲遲前途盡依依造門基上
堂拜嘉慶入室問何之日莫行采歸物色桑榆時美人
望昏至慙歎前相持

有懷誰能已聊用苦難申離居殊年載一別阻河關春
來無時豫秋至恒早寒明發動愁心閨中夜長歎慘悽
歲方晏日落遊子顏

高張生絕弦聲急由調起自昔枉光塵結言固終始如
何久為別百行愆諸已君子失明義誰與偕沒盛愧彼

行露詩甘之長川記

同前七首

王融

日月共為照松筠俱以貞佩分甘自遠結鏡待君明且
協金蘭好方愉琴瑟情佳人忽千里空閨積思生

景落中軒坐悠悠望城闕高樹生夕烟曾樓滿初月光
陰非或異山川屢難越輟泣揜鉛姿搔首亂雲鬟
傾魂屬徂火搖念待方秋涼氣承宇結明熠倬堦流三
星亦虛映四屋慘多愁思君如萱草一見乃忘憂

杼軸

一作袷

鬱不諧契濶迷新故朔風欄上發寒鳥林間

度客遠乏衣表歲晏饒霜露參差興別緒依遲一作連起

離慕

願言如可行信邁亦亡反睇景不告勞瞻途寧遽遠何
以淹歸轍蠶妾事春晚送目亂前華馳心迷舊婉

椒佩容有結振芳歧路隅黃金徒以賦白珪終不逾明

心良自皎安用久踟躕遡車反汾巷流目下西虞

披帷惕

一作悵

有望出門遲所欲彼美復來儀慙顏變欣

屬蘭艾隔芳牆涇渭分清濁去去夫人子請徇川之曲

同前

高適

妾本邯鄲未嫁時容華倚翠人未知一朝結髮從夫子
將妾迢迢東路隨時逢大道無難阻君方遊宦從陳汝
蕙樓獨卧頻度春彩落辭君幾徂暑三月垂楊蠶未眠
攜籠結侶南陌邊道逢游子不相識贈妾黃金買少年
妾家夫婿輕離久寸心誓與長相守願言行路莫多情
送妾貞心在人口日暮蠶飢相命歸攜籠端飾來庭闈

勞心苦力終無恨所冀君恩那可依聞說行人已歸止
乃是向來贈金子相看顏色不復言相顧懷慙有何已
從來自隱無疑背直為君情也相會如何咫尺仍有情
況復迢迢千里外此時顧恩不顧身念君此日赴河津
莫道向來不得意故欲畱規誡後人

瑟調曲

古今樂錄曰王僧虔技錄瑟調曲有善哉
行隴西行折楊柳行西門行東門行東西

門行却東西門行順東西門行飲馬行上
畱田行新城安樂宮行婦病行孤子生行
放歌行大牆上蒿行野田黃爵行釣竿行
臨高臺行長安城西行武舍之中行雁門
太守行豔歌何嘗行艷歌福鍾行艷歌雙
鴻行煌煌京洛行帝王所居行門有車馬
客行牆上難用趨行日重光行蜀道難行
擢歌行有所思行蒲坂行採梨橘行白楊

行胡無人行青龍行公無渡河行荀氏錄
所載十五曲傳者九曲武帝朝日自惜古
公文帝朝遊上山明帝赫赫我祖古辭來
日竝善哉古辭羅敷艷歌行是也其六曲
今不傳五嶽善哉行武帝鴻雁却東西門
行長安長安城西行雙鴻福鍾並艷歌行
牆上牆上難用趨行是也其器有笙笛節
琴瑟箏琵琶七種歌弦六部張永錄云未

歌之前有七部弦又在弄後晉宋齊止四器也

善哉行六解

古辭

樂府解題曰古辭云來日大難口燥唇乾
言人命不可保當見親友且永長年術與
王喬八公遊焉又魏文帝詞云有美一人
婉如清揚言其妍麗知音識曲樂為樂方
令人忘憂此篇諸集所出不入樂志按魏

明帝步出夏門行曰善哉殊復善弦歌樂
我情然則善哉者蓋歎美之辭也

來日大難口燥唇乾今日相樂皆當喜歡

解一經歷名山

芝草翻翻仙人王喬奉藥一丸

解二

自惜袖短內手知寒

慙無靈輒以報趙宣

解三

月沒參橫北斗闌干親交在門

飢不及餐

解四

歡日尚少戚日苦多以何忘憂彈箏酒歌

解五

淮南八公要道不煩參駕六龍遊戲雲端

解六

同前七解

魏武帝

古公亶甫積德垂仁思弘一道哲王於幽解一太伯仲雍

王德之仁行施百世斷髮文身解二伯夷叔齊古之遺賢

讓國不用餓殍首山解三智哉山甫相彼宣王何用杜伯

累我聖賢解四齊桓之霸賴得仲父後任豎刁蟲流出戶

解五晏子平仲積德兼仁與世沈德未必思命解六仲尼之

世王國為君隨制飲酒揚波使官解七

同前六解

武帝

自惜身薄祜夙賤罹孤苦既無三徙教不聞過庭語解一

其窮如抽裂自以思所怙雖懷一介志是時其能與二解

守窮者貧賤惋歎淚如雨泣涕於悲夫乞活安能覩三解

我願於天窮瑯琊傾側左雖欲竭忠誠欣公歸其楚四解

快人由為歎抱情不得叙顯行天教人誰知莫不緒五解

我願何時隨此歎亦難處今我將何照於光曜釋銜不

如雨六解

同前五解

武帝

朝日樂相樂酣飲不知醉悲弦激新聲長笛吹清氣一解

弦歌感人腸四坐皆歡悅寥寥高堂上涼風入我室

二解

持滿如不盈有德者能卒君子多苦心所愁不但一

三解

慊慊下白屋吐握不可失衆賓飽滿歸主人苦不悉

四解

比翼翔雲漢羅者安所羈冲靜得自然榮華何足為

五解

同前六解

文帝

上山採薇薄暮苦飢溪谷多風霜露沾衣

一解

野雉羣雊

猿猴相追還望故鄉鬱何壘壘

二解

高山有崖林木有枝

憂來無方人莫之知

三解

人生如寄多憂何為今我不樂

歲月其馳

四解

湯湯川流中有行舟隨波轉薄有似客遊

五解

策我良馬被我輕裘載馳載驅聊以忘憂

六解

同前五解

文帝

朝遊高臺觀夕宴華池陰大苜奉甘醪狩人獻嘉禽

一解

齊倡發東舞秦箏奏西音有客從南來為我彈清琴

二解

五音紛繁會拊者激微吟淫魚乘波聽踴躍自浮沈

三解

飛鳥翻翔舞悲鳴集北林樂極哀情來寒亮推肝心

四解

清角豈不妙薄德所不任大哉子野言弭弦且自禁

五解

右六曲魏晉樂所奏

同前

文帝

有美一人婉如清揚妍姿巧笑和媚心腸知音識曲善
為樂方哀弦微妙清氣含芳流鄭激楚度宮中商感心
動耳綺麗難忘離鳥夕宿在彼中洲延頸鼓翼悲鳴相
求眷然顧之使我心愁嗟爾昔人何以忘憂

同前八解

明帝

我徂我征伐彼蠻虜練師簡卒爰正其旅

一解

輕舟竟川

初鴻依浦桓桓猛毅如羆如虎

解二

發砲若雷吐氣成雨

旄旂指麾進退應矩

解三

百馬齊轡御由造父休休六軍

咸同斯武

解四

兼塗星邁亮茲行阻行行日遠西背京許

解五

遊弗淹旬遂屆揚土奔寇震懼莫敢當御

解六

虎臣烈

將沸鬱充怒淮泗肅清奮揚徽所

解七

運德曜威惟鎮惟

撫反旆言歸告入皇祖

解八

同前四解

明帝

赫赫大魏王師徂征冒暑討亂振曜威靈

解一

汎舟黃河

隨波潺湲通渠回越行路綿綿

解二

綵旄蔽日旌旒翳天

淫魚澆濁遊嬉深淵

解三

唯塘泊從如流不為單握揚楚

心惆悵歌採薇心綿綿在淮肥願君速捷

一作節

早旋歸

四解

右二曲魏晉樂所奏

同前

謝靈運

陽谷躍升虞淵引落景曜東隅晚晚西薄三春燠叙九
秋蕭索涼來溫謝寒往暑却居德斯頤積善嬉謹陰灌

陽叢凋華墮萼歡去易慘悲至難鑠激涕當歌對酒當
酌鄙哉愚人戚戚懷瘼善哉達士滔滔處樂

同前

江淹

置酒坐飛閣逍遙臨華池神飈自遠至左右芙蓉披綠
竹夾清水秋蘭被幽崖月出照園中冠珮相追隨客從
南楚來為我吹參差淵魚猶伏涌聽者未云罷高文一
何綺小儒安足為肅肅廣殿陰雀聲愁北林衆賓還城
邑何用慰我心

同前

僧貫休

有美一人兮婉如清揚識曲別音兮令姿煌煌繡袂捧
琴兮登君子堂如彼萱草兮使我憂忘欲贈之以紫玉
尺白銀璫久不見之兮湘水茫茫

同前

僧齊己

大鵬刷翮謝溟渤青雲萬層高竄出下視秋濤空渺瀰
舊處魚龍皆細物人生在世何容易眼濁心昏信生死
願除嗜慾待身輕攜手同尋列仙事

來日大難

李白

來日一身攜糧負薪道長食盡苦口焦脣今日醉飽樂
過千春仙人相存誘我遠學海凌三山陸憩五嶽乘龍
上三天飛目瞻兩角授以神藥金丹滿握蟋蟀蒙恩深
愧短促思填東海彊銜一木道重天地軒師廣成蟬翼
九五以求長生下士大笑如蒼蠅聲

當來日大難

曹植

樂府解題曰曹植擬善哉行為日苦短

日苦短樂有餘乃置玉樽辦東厨廣情故相於於闔門
置酒和樂欣欣遊馬後來袁車解輪今日同堂出門異
鄉別易會難各盡杯觴

同前

元稹

當來日大難行前有坂後有坑大梁側小梁傾兩軸相
絞兩輪相撐大牛豎小牛橫烏啄牛背足趺力獐當來
日大難行太行雖險險可使平輪軸自撓牽制不停泥
潦漸久荆棘旋生行必不得不如不行

樂府詩集卷三十六

欽定四庫全書

樂府詩集卷三十七

宋 郭茂倩 輯

相和歌辭

瑟調曲

隴西行

古 辭

一曰步出夏門行樂府解題曰古辭云天
上何所有歷歷種白榆始言婦有容色能

應門承賓次言善於主饋終言送迎有禮
此篇出諸集不入樂志若梁簡文隴西戰
地但言辛苦征戰佳人怨思而已王僧虔
技錄云隴西行歌武帝碣石文帝夏門二
篇通典曰秦置隴西郡以居隴坻之西為
名後魏兼置魏州禹貢曰導渭自鳥鼠同
穴即其地也今首陽山亦在焉

天上何所有歷歷種白榆桂樹夾道生青龍對道隅鳳

鳳鳴啾啾一母將九雛顧視人間人為樂甚獨殊好婦
出迎客顏色正敷愉伸腰再拜跪問客平安不請客北
堂上坐客氍毹觥醕清白各異樽酒上一作正華疏酌酒
持與客客言主人持却略再拜跪然後持一杯談笑未
及竟左顧敕中厨促令辦麕飭慎莫使稽留廢禮送客
出盈盈府中趨送客亦不遠足不出門樞取婦得如此
齊姜亦不如健婦持門戶一勝一丈夫

同前

陸機

我靜如鏡民動如烟事以形兆應以象懸豈曰無才世
鮮興賢

同前

謝靈運

昔在老子志

一作至

理成篇柱小傾大綆短絕泉鳥之棲

遊林壇

一作壇

是間韶樂宇膳豈伊攸便胡為乖枉從表

方園耿耿僚志慊慊邱園善歌以詠言理成篇

同前

謝惠連

運有榮枯道有舒屈潛保黃裳顯服朱黻誰能守靜棄

華辭榮窮谷是處考槃是營千金不迴百代傳名厥包
者袖忘憂者萱何為有用自乖中原實摘柯摧葉殞條
煩

同前三首

簡文帝

邊秋胡馬肥雪中驚寇入勇氣時無侶輕兵救邊急沙
平不見虜嶂嶮還相及出塞豈成歌經川未遑汲烏孫
塗更阻康居路猶濕月暈抱龍城星眉照馬邑長安路
遠書不還寧知征人獨佇立

隴西四戰地羽檄歲時聞護羌擁漢節校尉立元勳石

門留鐵騎冰城息夜軍洗兵

一作兵

逢驟雨送陣出黃雲

沙長無止泊水脈屢縈分當思勒彘鼎無用想羅裙

悠悠懸旆旌知向隴西行減竈驅前馬銜枚進後兵沙

飛朝似暮雲起夜疑城迴山時阻路絕水極稽程往年

郵支服今歲單于平方觀凱樂威飛蓋滿西京

同前

庾肩吾

借問隴西行何當驅馬征草合前迷路雲濃後暗城寄

語幽閨妾羅袖勿空榮

同前

王維

十里一走馬五里一揚鞭都護軍書至匈奴圍酒泉關
山正飛雪烽戍斷無烟

同前

耿緯

雪下陽關路人稀隴戍頭封狐猶未剪邊將豈無羞白
草三冬色黃雲萬里愁因思李都尉畢竟不封侯

同前

長孫左輔

陰雲凝朔氣隴上正飛雪四月草不生北風勁如切朝
來羽書急夜救長城窟道隘行不前相呼抱鞍歇人寒
指欲墮馬凍蹄亦裂射雁旋充飢斧冰還止渴寧辭解
圍圍但恐乘疲沒早晚

一作望

邊候空歸來養羸卒

步出夏門行

古辭

邪徑過空廬好人常獨居卒得神仙道上與天相扶過
謁王父母乃在太山隅離天四五里道逢赤松俱攬轡
為我御將吾上天遊天上何所有歷歷種白榆桂樹夾

道生青龍對伏跼

同前四解

魏武帝

雲行雨步超越九江之臯臨觀異同心意懷遊豫不知
當復何從經過至我碣石心惆悵我東海

臨行至東海
此為艱

碣石以觀滄海水何澹澹山島竦峙樹木叢生百草豐

茂秋風蕭瑟洪波湧起日月之行若出其中星漢粲爛

若出其裏幸甚至哉歌以詠志觀滄海

一解孟冬十月北

風徘徊天氣肅清繁霜霏霏鷗鷺晨鳴鴻雁南飛鷺鳥

潛藏熊羆窟棲錢鏹停置農收積場逆旅整設以通賈

商幸甚至哉歌以詠志冬十月

解二

鄉土不同河朔隆寒

流澌浮漂舟船行難雖不入地豐賴深奧水竭不流冰

堅可蹈土

一作士

隱者貧勇俠輕非心常歎怨戚戚多悲

幸甚至哉歌以詠志河朔寒

解三

神龜雖壽猶有竟時騰

蛇乘霧終為土灰驥伏老櫪志在千里烈士暮年壯心

不已盈縮之期不但在天養怡之福可得永年幸甚至

哉歌以詠志神龜雖壽

解四

同前二解

魏明帝

步出夏門東登首陽山嗟哉夷叔仲尼稱賢君子退讓
小人爭先惟斯二子于今稱傳林鍾受謝改節時遷日
月不居誰得久存善哉殊復善弦歌樂情解一商風夕起

悲彼秋蟬變形易色隨風東西乃眷西顧雲霧相連丹
霞蔽日彩虹帶天弱水潺潺落葉翩翩孤禽失羣悲鳴

其間善哉殊復善悲鳴在鳴其間解二朝遊青冷日莫嗟

歸朝遊上
此為艷蹶迫日莫烏鵲南飛繞樹三匝何枝可依卒

逢風雨樹折枝推雄來驚雌雌獨愁棲夜失羣侶悲鳴
徘徊芄芃荆棘葛生綿綿感彼風人惆悵自憐月盈則
沖華不再繁古來之說嗟哉一言

臧迫下
為趨

右二曲魏晉樂所奏

丹霞蔽日行

魏文帝

丹霞蔽日采虹垂天谷水潺潺木落翩翩孤禽失羣悲
鳴雲間月盈則沖華不再繁古人有之嗟我何言

同前

曹植

紂為昏亂殘忠虐正周室何隆一門三聖牧野致功天
亦革命漢祖之興階秦之衰雖有南面王道陵夷炎光
再幽忽滅無遺

折楊柳行四解

古辭

古今樂錄曰王僧虔技錄云折楊柳行歌
文帝西山古默默二篇今不歌

默默施行違厥罰隨事來末喜殺龍逢桀放於南條
祖伊言不用紂頭懸白旄指鹿用為馬胡亥以喪軀

二解

夫差臨命絕乃云負子胥戎王納女樂以亡其由余璧

馬禍及虢二國俱為墟

三解

三夫成市虎慈母投杼趙卞

和之則足接輿歸草廬

四解

同前四解

魏文帝

西山一何高高殊無極上有兩仙僮不飲亦不食與

我一丸藥光耀有五色

一解

服藥四五日身體生羽翼輕

舉乘浮雲倏忽行萬億流覽觀四海茫茫非所識

二解

彭

祖稱七百悠悠安可原老聃適西戎于今竟不還王喬

假虛辭赤松垂空言

三解

達人識真偽愚夫好妄傳追念

往古事憤憤千萬端百家多迂怪聖道我所觀

四解

右二曲魏晉樂所奏

同前

陸機

邈矣垂天景壯哉奮地雷隆隆豈久響華華恒西隕日
落似有竟時逝恒若催仰悲朗月運坐觀璇蓋回盛門
無再入哀房莫苦閨人生固已短出處鮮為諧慷慨惟
昔人興此千載懷升龍悲絕處菖纍變條枚寤寐豈虛

金月山人集 卷三十七
歎曾是感與推弭意無足歎願言有餘哀

同前二首

謝靈運

鬱鬱河邊樹青青野田草合我故鄉客將適萬里道妻
妾牽衣袂收淚沾懷抱還拊幼童子顧託兄與嫂辭訣
未及終嚴駕亦何早負笻引文舟飢渴常不飽誰令爾
貧賤咨嗟何所道

騷屑出穴風揮霍見日雪颼颼無久搖皎皎幾時潔未
覺泮春冰已復謝秋節空對尺素遷獨視寸陰減否桑

未易繫秦茅難重拔桑苧迭生運語默寄前哲

西門行六解

古辭

古今樂錄曰王僧虔技錄西門行歌古西
門一篇今不傳樂府解題曰古辭云出西
門步念之始言醇酒肥牛及時為樂次言
人生不滿百常懷千歲憂晝短苦夜長何
不秉燭遊終言貪財惜費為後世所嗤又
有順東西門行為三七言亦傷時顧陰有

類於此

出西門步念之今日不作樂當待何時

解一夫為樂為樂

當及時何能坐愁怫鬱當復待來茲

解二飲醇酒炙肥牛

請呼心所歡可用解愁憂

解三人生不滿百常懷千歲憂

晝短而夜長何不秉燭遊

解四

自非仙人王子喬計會壽命難與期

命難與齊自非仙人王子喬計會壽命難與期

解五人壽

非金石年命安可期貪財愛惜費但為後世嗤

解六

右一曲晉樂所奏

出西門步念之今日不作樂當待何時逮為樂逮為樂
當及時何能愁怫鬱當復待來茲釀美酒炙肥牛請呼
心所懽可用解憂愁人生不滿百常懷千歲憂晝短苦
夜長何不秉燭遊遊行去去如雲除弊車羸馬自為儲

右一曲本辭

東門行四解

古辭

古今樂錄曰王僧虔技錄云東門行歌古
東門一篇今不歌樂府解題曰古辭云出

東門不顧歸入門悵欲悲言士有貧不安
其居者拔劍將去妻子牽衣畱之願共哺
糜不求富貴且曰今時清不可為非也若
宋鮑照傷禽惡弦驚但傷離別而已

出東門不顧歸來入門悵欲悲盜中無斗儲仰視桁上
無懸衣

解一

拔劍出門去兒女牽衣啼他家但願富貴賤

妾與君共鋪糜

解二

共鋪糜上用倉浪天故下為黃口小

兒今時清廉難犯教言君復自愛莫為非

解三

今時清廉

難犯教言君復自愛莫為非行吾去為遲平慎行望君

歸

解四

右一曲晉樂所奏

出東門不顧歸來入門悵欲悲盎中無斗米儲還視架
上無懸衣拔劔東門去舍中兒母牽衣啼他家但願富
貴賤妾與君共鋪糜上用倉浪天故下當用此黃口兒
今非咄行吾去為遲白髮時下難久居

右一曲本辭

東門行

張駿

勾芒御春正
衡紀運玉瓊
明庶起祥風
和氣翕來征
慶雲蔭八極
甘雨潤四垓
昊天降靈澤
朝日耀華精
嘉苗布原野
百卉敷時榮
鳩鵲與鶯黃
間關相和鳴
芙蓉覆靈沼
香花揚芳馨
春遊誠可樂
感此白日傾
休否有終極
落葉思本莖
臨川悲逝者
節變動中情

同前

鮑照

傷禽惡弦驚
倦客惡離聲
離聲斷客情
賓御皆涕零
涕

零心斷絕將去復還訣一息不相知何況異鄉別遙遙

征駕遠杳杳白

一作落

日晚居人掩閨卧行子夜中飯野

風吹草木行子心腸斷食梅常苦酸衣葛常苦寒絲竹
徒滿座憂人不解顏長歌欲自慰彌起長恨端

同前

柳宗元

漢家三十六將軍東方雷動橫陣雲雞鳴函谷客如霧
貌同心異不可數赤丸夜語飛電光徼巡司錄眠如羊
當街一叱百吏走馮敬胷中丞七首兇徒側耳潛慙心

悍臣破膽皆杜口
魏王卧内藏兵符
子西掩袂真無辜
羌胡轂下一朝起
敵國舟中非所擬
安陵誰辨削礪功
韓國詎明深井里
絕巘斷骨那下補
萬金寵贈不如土

東西門行

劉孝威

古今樂錄曰王僧虔技錄云東西門行今
不歌

廣津寒欲歇
聯檣密纜收
天高匝近岫
江濶少方舟
餞淚畱神眷
離欸切私儔
佇變齊兒俗
當傳楚獻囚
徒然

頒並命祇惡思如抽

却東西門行

魏武帝

古今樂錄曰王僧虔技錄云却東西門行
荀錄所載武帝鴻雁一篇今不傳

鴻雁出塞北乃在無人鄉舉翅萬餘里行止自成行冬
節食南稻春日復北翔田中有轉蓬隨風遠飄揚長與
故根絕萬歲不自當奈何此征夫安得去四方戎馬不
解鞍鎧甲不離傍冉冉老將至何時反故鄉神龍藏深

泉猛虎步高岡狐死歸首邱故鄉安可忘

右一曲魏晉樂所奏

同前

謝惠連

慷慨發相思惆悵戀音徽四節競闌候六龍引積機人
生隨時變遷化焉可祈百年難必保千慮盈懷之

同前

沈約

驅馬城西阿遙眺想京闕望極烟原盡地遠山河沒搖
裝非短晨還歌豈明發脩服悵邊羈瞻途耿鄉謁馳蓋

轉徂龍回望引奔月樂去哀鏡滿悲來壯心歇歲華委
徂貌年霜移暮髮辰物久侵晏征思坐論越清氣掩行
夢憂原盪瀛渤一念起關山千里顧兵窟

鴻雁生塞北行

傅玄

鳳凰遠生海西及時崑山岡五德存羽儀和鳴定宮商
百鳥並侍左右鼓翼騰華光上熙遊雲日間千歲時來
翔孰若彼龍與龜曳尾泥中藏非雲雨則不升冬伏春
廼驥退哀此秋蘭草根絕隨化揚靈氣一何憂美萬里

馳芬芳常恐物易微歎一朝見棄忘

順東西門行

陸機

古今樂錄曰王僧虔技錄云順東西門行
今不歌

出西門望天庭陽谷既虛崦嵫盈感朝露悲人生逝者
若斯安得停桑樞戒蟋蟀鳴我今不樂歲聿征迨未
暮及時平置酒高堂宴友生激朗笛彈哀箏取樂今
日盡歡情

同前

謝靈運

出西門眺雲間揮斤扶木墜虞泉
信道人鑒徂川思樂暫捨誓不旋
閏九九傷牛山宿心載違徒昔言
競落運務積年招命儕好相追牽
酌芳醕奏繁弦惜寸陰情固然

同前

謝惠連

哀朝菌閉積力遷化常然焉肯息
及壯齒遇世直酌酪華堂集親識
舒情盡惟遣悽惻

樂府詩集卷三十七